

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 243046 24 St
Zenica, 08.05.2025. godine

Općinski sud u Zenici, sutkinja Marina Šapina, u stečajnom postupku nad društvom „SKULIĆ-COMPANY“ d.o.o. Društvo za transportno-trgovačke usluge Doboj Jug, Matuzići b.b., Doboj Jug, odlučujući o prijedlogu privremenog stečajnog upravitelja Vehab Haris iz Tešnja, na ročištu održanom dana 08.05.2025. godine, u prisustvu privremenog stečajnog upravitelja i Mustafe Alića, odvjetnika iz Tešnja, punomoćnika predlagatelja, donio je sljedeće:

R J E Š E N J E

Pozivaju se povjerioci i zainteresirana lica da u roku od 30 dana od dana objavljivanja poziva predlože otvaranje stečajnog postupka i uplate predjuma za obezbijedenje troškova stečajnog postupka u iznosu od 5.000,00 KM, na depozitni račun ovog suda broj: 134-010-0000044837 otvoren kod ASA Banke d. d. Sarajevo, te da po izvršenoj uplati predjuma sudu dostave uplatnicu, kao dokaz da je uplata izvršena.

Ukoliko u ostavljenom roku povjerioci i zainteresirana lica ne predlože otvaranje stečajnog postupka i ne uplate predjuma sud će otvoriti stečajni postupak i odmah zaključiti stečajni postupak nad društvom „SKULIĆ-COMPANY“ d.o.o. Društvo za transportno-trgovačke usluge Doboj Jug, Matuzići b.b., Doboj Jug, MBS: 1-8364.

O b r a z l o ž e n j e

Prijedlogom od 13.03.2024.godine, „SKULIĆ-COMPANY“ d.o.o. Društvo za transportno-trgovačke usluge Doboj Jug, Matuzići b.b., Doboj Jug, zastupan po Advokatskom društvu „ALIĆ-BEDAK & SARADNICI“ d.o.o. Tešanj, pokrenut je stečajni postupak nad navedenim društvom.

Rješenjem ovoga suda br. 43 0 St 201736 21 St od 21.10.2021. godine, pokrenut je prethodni postupak radi utvrđivanja uslova za otvaranje stečajnog postupka nad imovinom stečajnog dužnika „SKULIĆ-COMPANY“ d.o.o. Društvo za transportno-trgovačke usluge Doboj Jug, Matuzići b.b., Doboj Jug, MBS: 1-8364 i za privremenog stečajnog upravitelja imenovan je Vehab Haris iz Tešnja, Srebrenička br. 18.

Na ročištu za ispitivanje uvjeta za otvaranje stečaja održanom dana 08.05.2025. godine, privremeni stečajni upravitelj je izjavio da ostaje kod svog izvještaja od 06.03.2025. godine i dopune od 10.03.2025. godine. Dalje navodi da je nakon prijema Rješenja o imenovanju, izvršio obilazak mjesta koje je u sudskom registru označeno kao sjedište firme – Matuzići bb, Doboj Jug, kojom prilikom je utvrdio da na poslovnim prostorijama, rostoru ispred poslovnih prostorija nema natpisa koji bi upućivali na to da je na toj adresi sjedište firme i da stečajni dužnik tu obavlja poslovne djelatnosti. Iz razgovora sa direktorom, koji je ujedno i jedini osnivač društva i na osnovu dokumentacije koja koja mu je bila na raspolaganju utvrdio je da je društvo osnovano 2001. godine, da je primarna djelatnost društva bila pružanje usluga transporta, da je poslovanje u potpunosti obustavljeno, da je posljednje poslovne aktivnosti društvo ostvarilo u 2003. godini, da direktor društva nije u radnom odnosu i da društvo nema ni jednog zaposlenog radnika. Društvo ima 6 transakcijskih računa od kojih je 5 računa blokirano, društvo nije u mogućnosti da izvršava svoje dospjele novčane obaveze, te ima

dug po osnovu javnih prihoda, posljednji finansijski izvještaj sačinjen je za potrebe pokretanja stečajnog postupka, a odnosi se na period od 01.01.2024. godine do 15.03.2024. godine, a za raniji period dostupan je samo finansijski izvještaj za period 01.07.2001. godine do 31.08.2001. godine. Društvo nema vlastito knjigovodstvo, a nema ni zaključen ugovor sa knjigovodstvenom agencijom za obavljanje računovodstvenih poslova. Iz bilansa uspjeha za period od 01.01.2024.godine do 15.03.2024. godine, utvrđeno je da u navedenom periodu društvo nije ostvarilo nikakve poslovne prihode, da su za isti period poslovni rashodi iznosili 36,00 KM i odnose se na bankarske naknade, da je za isti period dobit društva iznosila 0,00 KM, da za isti period gubitak društva iznosi 36,00 KM. Iz navedenog proističe da je društvo na kraju izvještajnog perioda ostvarilo gubitak u poslovanju u iznosu od 36,00 KM. U prethodnom periodu od 01.01.2023.godine do 31.12.2023. godine društvo nije ostvarilo nikakve prihode, rashodi su u istom periodu iznosili 0,00 KM tako da je društvo na kraju tog perioda ostvarilo ukupan poslovni rezultat od 0,00 KM. Prema bilansu stanja na dan 15.03.2024.godine prikazana je ukupna aktiva ili imovina društva u iznosu od 199,00 KM, a analizom bilansa stanja utvrđeno je da se aktiva društva sastoji u potpunosti od kratkoročne imovine u iznosu od 199,00 KM koja se sastoji od novca i novčanih ekvivalenata – sredstva na deviznom računu u Raiffeisen bank u iznosu od 86,40 EUR i KM računu u Raiffeisen bank u iznosu od 30,03 KM. Društvo nema ostale kratkoročne imovine, nema zaliha, sirovina, materijala, roba, gotovih proizvoda, niti ima potraživanja od kupaca.

Društvo nema dugoročne imovine, nema postrojenja, opreme, namještaja, transportnih sredstava, nematerijalne imovine, niti ostale dugoročne imovine.

Ukupan kapital društva iznosi -93.976,00 KM, vlasnički kapital iznosi 2.000,00 KM, a akumulirani nepokriveni gubitak iz ranijeg perioda iznosi 95.940,00 KM, što znači da je društvo ostvarilo gubitak iznad visine kapitala u iznosu od 93.976,00 KM. Ta vrijednost je bila ista i na kraju 2023.godine.

Prema Bilansu stanja na dan 15.03.2024.godine iskazana je ukupna pasiva ili obaveze društva u iznosu od 94.175,00 KM, a sastoje se od kratkoročnih obaveza u iznosu od 94.175,00 KM, koje se odnose na ostale obaveze uključujući i razgraničenja u iznosu od 88.460,00 KM i obaveze poreza na dobit u iznosu od 5.715,00 KM. Ove obaveze društva su bile iskazane u istom iznosu i na kraju 2023.godine. Za ove obaveze nema raspoložive dokumentacije, osim Uvjerenja Porezne uprave F BiH, Porezna ispostava Doboj Jug br. 13-4/12-12-5-601/24 od 08.03.2024.godine. Prema navedenom Uvjerenju Porezne uprave F BiH, Porezna ispostava Doboj Jug, stečajni dužnik „SKULIĆ-COMPANY“ d.o.o. na dan 08.03.2024.godine, ima iskazan javni dug po osnovu javnih prihoda u iznosu od 94.175,63 KM. Društvo nema iskazanih obaveza prema dobavljačima, a nema iskazanih ni dugoročnih finansijskih obaveza.

Uvidom u izvještaj Centralne banke BiH o računima poslovnog subjekta na dan 29.02.2024.godine utvrdio sam da „SKULIĆ-COMPANY“ d.o.o. ima otvorene transakcijske račune: redovan račun br. 134001120171111 u ASA banci d.d. Sarajevo koji je na dan 01.12.2022. godine blokiran; devizni račun br. 1340011200695758 u ASA banci d.d. Sarajevo koji je na dan 01.12.2022. godine blokiran; devizni račun br. 1611400000098784 u Raiffeisen bank d.d. Sarajevo koji je na dan 01.10.2018.godine blokiran; račun br. 1610400002510060 u Raiffeisen bank d.d. Sarajevo koji je na dan 11.04.2007.godine blokiran; redovan račun br. 1990460003319437 u Sparkasse bank d.d. BiH koji je na dan 16.04.2007.godine blokiran; devizni račun br. 1991475581 u Sparkasse bank d.d. BiH koji je na dan 01.10.2018.godine blokiran. Provjerom u bankama dana 05.03.2025.godine utvrdio sam da stanje sredstva na deviznom računu u Raiffeisen bank iznosi 86,40 EUR odnosno 168,99 KM, a da stanje sredstava na KM računu u Raiffeisen bank iznosi 30,03 KM, ali su navedena sredstva blokirana. Nadalje, uvidom u Potvrdu Raiffeisen bank broj SD1203-2/2025 od 12.03.2025.godine, utvrdio je da je transakcijski račun društva broj 1610400002510060 blokiran od 11.04.2007.godine, sa stanjem 0,00 KM na dan izdavanja potvrde, da su evidentirane aktivne blokade (ukupno 4 blokade) u ukupnom iznosu od 92.582,79 KM, od kojih je prva od 16.04.2007.godine, a da je devizni račun br. 1611400000098784 na dan 11.03.2025.godine aktivan, sa stanjem 86,40 EUR.

Uvidom u Potvrdu ASA banke d.d. Sarajevo, broj 32/25.-501 od 12.03.2025.godine utvrdio sam da društvo ima otvorene transakcijske račune br. 1340011120171111 i 1340011200695758, da na računima nema sredstava, da su računi blokirani, da su evidentirane aktivne blokade (ukupno 5 blokada) u ukupnom iznosu od 116.878,60 KM, od kojih je prva od 12.04.2007.godine. Uvidom u Potvrdu Sparkasse bank d.d. BiH, bez broja, od 12.03.2025.godine utvrdio sam da društvo ima otvoren transakcijski račun za poslovanje br. 1990460003319437 koji je blokirani dana 16.04.2007.godine, da su evidentirane aktivne blokade (ukupno 3 blokade) u ukupnom iznosu od 384,10 KM, da na dan 11.03.2025.godine stanje računa br. 5020110000 iznosi 0,00 KM i da na isti dan stanje računa br. 5020120000 iznosi 0,00 EUR. Devizni račun stečajnog dužnika br. 1611400000098784 u Raiffeisen bank na dan 11.03.2025.godine je aktivan, sa stanjem 86,40 EUR. Svi ostali računi stečajnog dužnika su blokirani, od kojih je prva blokada od 11.04.2007.godine.

Navodi da je stečajni dužnik je platežno nesposoban, jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, a računi stečajnog dužnika su blokirani duže od 60 dana neprekidno, zbog čega su u smislu člana 6. Zakona o stečaju nastupili razlozi za otvaranje stečajnog postupka nad stečajnim dužnikom. Platežna nesposobnost stečajnog dužnika je nastupila najkasnije dana 11.04.2007.godine jer stečajni dužnik u periodu od 11.04.2007.godine kao dana prve blokade računa pa do dana podnošenja prijedloga za otvaranje stečaja, što je period od preko 60 dana neprekidno, ne izmiruje svoje dospjele novčane obaveze. Društvo ne može ni djelimično niti u cijelosti izmiriti potraživanja povjerilaca. Društvo nema iskazanih potraživanja prema kupcima. Ističe da društvo nema pokretne ili nepokretne imovine iz koje bi se mogla formirati stečajna masa ni za podmirenje troškova stečajnog postupka, a dokaz za to su: Potvrda ZK ureda Općinskog suda u Tešnju br. 039-0-RZ-25-000585 od 24.02.2025.godine; Uvjerenje Službe za urbanizam, katastar i geodetske poslove Općine Doboj Jug br. 05-26-258-2/25 od 25.02.2025.godine; Potvrda MUP-a ZDK, Odsjek za administraciju Doboj Jug br. 08-01-02/10-03.7-223/25 od 24.02.2025.godine; Izvještaj Centralne banke BiH o računima poslovnog subjekta na dan 29.02.2024.godine; Potvrda Raiffeisen bank broj SD1203-2/2025 od 12.03.2025.godine; Potvrda ASA banke d.d. Sarajevo broj 32/25.-501 od 12.03.2025.godine; Potvrda Sparkasse bank d.d. BiH, bez broja, od 12.03.2025.godine. Kako stečajni dužnik od početka 2003. godine, ne obavlja nikakvu poslovnu djelatnost, nema poslovnih prostorija, nema ni jednog zaposlenog, nema nikakve imovine, ne posjeduje vozila, opremu i alat za obavljanje poslovnih aktivnosti, ne postoji mogućnost da barem i djelimično obavlja poslovne aktivnosti u toku prethodnog postupka, a da istovremeno postoje dospjele obaveze prema javnim prihodima, da je stečajni dužnik platežno nesposoban jer duže od 60 dana neprekidno ne izmiruje svoje dospjele novčane obaveze, nije u stanju da izvršava svoje dospjele i potraživane obaveze plaćanja, da su računi stečajnog dužnika blokirani duže od 60 dana neprekidno, mišljenja je da postoje razlozi za otvaranje stečajnog postupka, i ne postoje nikavi izgledi da se poslovanje stečajnog dužnika u cjelini ili djelimično nastavi.

Kako stečajni dužnik nema imovine, pokretne ili nepokretne čijom bi se prodajom formirala stečajna masa pa ni za podmirenje troškova stečajnog postupka, imajući u vidu obim iskazanih obaveza i nepostojanje imovine stečajnog dužnika, privremeni stečajni upravnik predlaže da naslovljeni sud u skladu sa članom 102. st. 7. Zakona o stečaju, javnim pozivom pozove povjerioci i zainteresovana lica da u roku od 30 dana objavljivanja poziva predlože otvaranje stečajnog postupka i uplate predujam za obezbjeđenje troškova stečajnog postupka u iznosu od 5.000,00 KM, te da ukoliko u ostavljenom roku povjerioci i zainteresovana lica ne predlože otvaranje stečajnog postupka i ne uplate predujam, sud na osnovu člana 102. st. 8. donese rješenje kojim će otvoriti i odmah zaključiti stečajni postupak nad privrednim društvom „SKULIĆ-COMPANY“ d.o.o., te odrediti brisanje društva iz sudskog registra po pravosnažnosti istog.

U dopuni izvještaja od 10.03.2025.god., privremeni stečajni upravnik navodi da lice ovlašteno za zastupanje stečajnog dužnika nije podnijelo prijedlog za otvaranje stečajnog postupka u roku od 60

dana od dana nastupanja platežne nesposobnosti.

Punomoćnik predlagatelja izjavljuje da ostaje kod prijedloga za otvaranje stečaja, da nema primjedbi ni pitanja na Izvještaj privremenog stečajnog upravitelja, te da je suglasan sa prijedlogom privremenog stečajnog upravitelja.

Kako stečajni dužnik ima obaveze, a nema imovine, pa ni za troškove stečajnog postupka, to je sud primjenom odredbe člana 102 st. 7. Zakona o stečaju („Službene novine F BiH”, broj: 53/21) pozvao povjerioce i zainteresirana lica da predlože otvaranje stečajnog postupka i uplate predujam za obezbijedenje troškova stečajnog postupka. Visina troškova srazmjerno je određena visini troškova koji se očekuju, a koji su potrebni za otvaranje i vođenje stečajnog postupku, a koje je predložio privremeni stečajni upravitelj.

Slijedom navedenog odlučeno je kao u izreci ovog rješenja primjenom odredbe čl. 102 st. 7 Zakona o stečaju (Sl. novine F BiH br. 53/21), a ovim rješenjem povjerioci i zainteresirana lica su upozorena na posljedice propuštanja postupanja po pozivu ovog suda, propisane čl. 102 st. 8 Zakona o stečaju.

POUKA O PRAVNOM LIJEKU:

Protiv ovog rješenja nije
dozvoljena žalba.

Sutkinja:

Marina Šapina